

## Sakspapir

| Saksbehandler | Arkiv          | ArkivsakID |
|---------------|----------------|------------|
| Ove Sæbø      | FE-144, FA-F03 | 19/85      |

| Saksnr   | Utvalg        | Type | Dato       |
|----------|---------------|------|------------|
| 017/2020 | Formannskapet | PS   | 28.04.2020 |

### Rusmiddelpolitisk handlingsplan 2020 - 2024, framlegg til høyringsutkast.

#### Forslag til vedtak:

Modalen kommune legg utkast til Rusmiddelpolitisk handlingsplan 2020 – 2024 ut på høring med frist for innspel eller merknadar satt til 22. mai 2020. Planutkastet skal deretter til handsaming i kommunestyret.

#### Saksopplysningar:

Kommunestyret vedtok i møte 14.02.19 at rusmiddelpolitisk handlingsplan 2013 – 2017 skulle reviderast. Ein revisjon er ein avgrensa gjennomgang av planen i motsetnad til rullering / full gjennomgang. Rådmannen har difor bede om innspel frå aktuelle aktørar som Vaksdal barnevern, NAV Fensfjorden, Lensmannen i Nordhordland, Mo skule, Modalen barnehage, Helsesenteret i Modalen, teknisk etat, kundetorget og ungdomsrådet. Saka har også vore til drøfting i rådmannen si leiargruppe 21.08 19.

Alkoholova §1-7d seier at kommunen skal ha ein alkoholpolitisk handlingsplan. Helsedirektoratet anbefaler at kommunen sin alkoholpolitiske handlingsplan vert utarbeidd som ein del av ein heilskapleg rusmiddelpolitisk handlingsplan.

Planen bør seie noko om dei alkoholpolitiske måla kommunen legg til grunn for sin alkoholpolitikk, samt dei virkemidla kommunen vil ta i bruk for å nå måla. Døme på slike virkemiddel kan vere tal på sals- og skjenkestadar, opningstider m.m. Planen bør konkretisere kva tiltak kommunen vil satse på for å nå den landsomfattande målsetjinga om å redusere alkoholforbruket. Planen bør handsamast i kvar kommunestyreperiode.

#### Bakgrunn

Det er det til ei kvar tid sitjande kommunestyre som skal avgjere korleis alkoholpolitikken skal utøvast. Det skjer gjennom rusmiddelpolitisk handlingsplan. Planen dannar grunnlag for tildeling av sals- og skjenkeløyve, samt dei vilkår som skal gjelde for desse.

Det skal innan 30. september i første år av nytt kommunestyret takast stilling til kva løyve for sal og skjenking av alkohol i kommunen som skal gjelde. Kommunestyret kan velje å vidareføre gjeldande løyver utan søknad frå aktørar, eller tildele løyve etter søknad.

Rusmiddelpolitisk handlingsplan dannar grunnlaget for kommunestyret sine vurderingar og vedtak. Dette vil i neste omgang vere utgangspunktet evt. søkjarar skal forholde seg til.

### **Vurdering**

Rådmannen si vurdering er at utkast til rusmiddelpolitisk handlingsplan tek opp i seg det samfunnsbiletet som gjer seg gjeldande i Modalen per i dag. Det er viktig å revidere planen slik at kommunestyret kan avgjere kva som skal vere gjeldande ruspolitikk – og på kva grunnlag ein skal fatte avgjersler. T.d. skal ein kunne seie noko om opningstider for sals- og skjekeløyve i planen slik at evt. søkjarar til løyve skal kunne oppleve at det er føreseieleg kva alkoholpolitikk Modalen kommune legg til grunn.

### **Konklusjon**

Rådmannen rår til at formannskapet legg vedlagte utkast til rusmiddelpolitisk handlingsplan 2020 - 2024 ut på høyring i 4 veker før endeleg handsaming i kommunestyret.

### **Formannskapet - 017/2020**

#### **FOR - behandling:**

Ordførar og assisterande rådmann orienterte om planen, inkludert ein feil på side 6 om alkoholomsetning, som vert korrigert før planen vert lagt ut på høyring.

Samrøystes vedteke

#### **FOR - vedtak:**

Modalen kommune legg utkast til Rusmiddelpolitisk handlingsplan 2020 – 2024 ut på høring med frist for innspel eller merknadar satt til 22. mai 2020. Planutkastet skal deretter til handsaming i kommunestyret.